

# EBITHONGOLE

## EBY'ENGEBE

*Nibihi?*

*Bikakolha bithi?*



**Ebithongole eby'engebe ni bandu abakalwa okobuli luhande abakasangasangana ahosihosi erilhwa okwa erithendekero, omwandina syomuthi kutse eka. Bakigha hauma oku Yesu kandi bakakolha hauma eribindulha amalambu wabu busana neriwaniagho.**



# Obuli Mundu Anawithe

## Omwanya

Obuli mundu akangirirawa eribya mughuma okwa Kithongole Eky'engebe, sikyirikungamulhibahi kutse ngamwangakolhaki.

Kokaya banywani, abathaka, abandu erilhwa omwamakanisa wandi nabo abatheghenda omwakanisa yosiyosi. Yesu mwaghunza obuthuku nabamal haya haima nabakolhanabi nomwathabya akalhighana nemikorwa byabo, mwakangyabo olwanzo. Obuli mundu akathangirirawa kandi atholere iniatsomanwa.



Soma Emibiri y'abakwenda 2:42-47. Musangasangane obulimughulhu, mungangiriranaye, mughabane, musabirane – kongo ekanisa eyerimbere yabya. Omwimaniri atheghekanaye erisangasangana eryekithongole eky'engebe aliwe baleke erikolha emibiri eyosi. Twanginighira okwabandi. Obulhi mundu anginakolha omubiri wiwe. Hanyuma w'omughulhu munene wangineghesya abandi eryembembethya.

### **Ebyerighendereko ebikulhu omwa syondeko esye Kithongole Eky'engebe:**

1. Musangangane ahowanganathoka erihika lhuba. Yanginabya nyumba, omwisi syomuthi, okwamusike weririma kutse akwithendekero.
2. Musangangane obuliyenga, obuthukubugherera kandi omomwanya mughumerera.
3. Muthandikire okwabuthuku kandi mughunzire okwabuthuku neryo abandu bangayatheghekera obuthuku bwabu obwamasighalha okwakiro ekyo.

1 Abanyakorinto 12:12-31. Thulibughuma byomubiri wa Kristo kandi obuli mundu anawithe olhukwamira olhwerikolha.

# Ebithongole Eby'engebe

## Ebikahindulha

### **Eryembembetya Ekithongole Ekyike**

Obulhi kithongole eky'engebe kyikahebawa ebindu ebyerikolesya obulhiyenga. Kwama akathabu. Uleke erithalha okwamikania, ebyerireberyako kutse amasatha. Ekithongole kyaghu kyikayithagha ebi busana neryigha ndeke.

Lhengesaya erithendibugha binene kutsibu. Ebithongole simughulhu owerithulhira. Lheka abandi babughe – thwanganasomera okwabandi.

Sighulheke omundu mughuma akakania binene, kakamiriraya abahunerere eribugha.

Kakamiriraya abandu eribya bokwenene kandi abekyakakalha omwisubamu lyabu. Wathikayabo erirengkania emibere eyerihira ebyabamigha omwamikolere. Obuthuku bunene ebyerekolhesya byanganakuwathi omwekyi.

### **Nyamuhanga akanza erithuhindulha**

Soma Matayo 28:19-20. Thutholere erikolha abigha abakikalha omu Yesu, kabutsira abandu abakaghenda omwakanisa lisa. Kiriraya Omulimu Abuyirire ahindule ekithongole kyaghu neryo banze erikolhera Nyamuhanga haima namalhambu wabo.

Ghabana engebe yaghu kandi ukakamiriraye abandi erikolha bathya. Ubya ekyerilhangirirako omwabinywa ebyo ukabugha kandi nomwabindu ukakolha. Kiriraya ebisobyo byaghu.

Usangasangane no mundu mughuma kutse bandu babiri erilhwa omwakithunga kyaghu ahakathikathi keyenga. Kanganaya abandi bandu byolhwanzo kandi ubahe eribanza erikolhera nerikwama Nyamuhanga omwabulhimyanya y'obuyingo bwabu.

Omughulhu akineho kakamiriraya abandi eribungira nerikolha nibya. Obulimundu omwa kithongole akayithagha erikolesya ebisembo biwe.

# Wathikibawa n'Omulumu Abuyirire

## Omulumu Abuyirire akaleka ithwabya nga Yesu

Thukabya bahyabaha thwamakwama Yesu. Thukabuthawa buhyabuya ngabana bo bulhume kutse bo bukali ba Nyamuhanga. Ekihangikwa kihyakihya. Thukatholera ihwabyaho busana na Yesu kabutsira ithwibenebene.

[Soma 2 Abanyakorinto 5:14-21](#)

## Omulumu Abuyirire akathuwathikaya

Thwangabulikira ithwabiryowa ngabyamathukanyaku. Sithulikiriraya indi thwanganathoka olhukwamirwa olhulhi embere syethu. Eryembembethya Ekithongole Eky'engebe kyanginakalha kandi iniabya mubiri akalire. Thutholere ethwibuka Nyamuhanga akathuma Omulumu Abuyirire wiwe kandi na bandu omwa kithongole kyethu bakathuwathikaya. Thutholere ithwibuka indi sithwangahindulha abandu, ni mubiri wa Nyamuhanga erikolha athya. Thutholere ithwasomesya, erikalha kandi nerikakamirirya, erilekera ebindi bya Nyamuhanga. Siwulhi omwekyi mowuwene.

[Soma Abanyaroma 8:26-27](#)

# Yitsungire

Eribya Mukiristo omwa kyalho kutse bulhambu bwaghu, kyikamanyisaya eriyitsungira. Wanginabana ebyerisubamo neriwathikya abandi bandu omwabitsibu byabo.

Thwabirihabwa bigyi na Yesu oyo wathulhamaya. Engebe eya Nyamuhanga eyiri omwithwe buthekwabuthekwa yiyikanganaye okwabalhi omwakithongole haima nomwa kyalhu kyethu. Aba Kiristo babuya sibalipimawa busana neritebenzya lyabu kutse busana nobutheke bawithe. Bakapimawa busana nebighuma byabo. Ebighuma ni mibere yabo haima nebyabakolha omwangebe syabo.

Soma [Luka 6:43-49](#) haima na [Abanyagalatia 5:22-23](#)

# Ghabana Engebe

Nilhukwamirwa lwethu nge Kithongole Eky'engebe erighabana na bandi, ekanisa kandi nomwamalhambu wethu ebyathwasi.

## Ghabana ne kithongole kyaghu

- Ghabana ebyawabirisona haima na bandi.
- Leka bihindulhe omuthima wawu.
- Omuthima wawu amabirihinduka, nemikolere yaghu nayo yikahinduka.
- Abandi bakendikulhanigirako kwekyo kandi ibanza eriminye binene oku Yesu.

## Ghabana nobyomo bulhambu bwaghu

- Lebaya ebikuthimbireko.
- Ebiyithawa byabandu bomobulhambu bwaghu nibyahi? Iwe haghuma nekithongole kyaghu, wanginawathikya abandu bomobulhambu bwaghu.
- Iwe haghuma nekithongole kyaghu wangina lhetha embaghane.

Ekithongole kyaghu kibye kyikigha okolhwanzo lhwana Yesu baithu kandi ukanganaye olwanzo abakuthimbireko. Ebithongole birondekaneye ebiyithawa ebiri omwamalhambo wabyo neryo balhengesaye neriwathikya. Ebindi bithongole byabirihera amalhima aweriwathikya abathiyithoka, abandi babiriwathikya bakulhire kutse esyongubi.  
**Neryo, ekithongole kyaghu kyikendikolha kyi?**

## Ghabana haima nabandi bimaniri omwabikundi

Abimaniri ab'ebithongole omwakipindi bakasangasangana haima nabandi bimaniri obulhi kwenzi. Thukahulha endeko eno mwa 'kikundi'.

Omwabulhi ndeko thukasaba hauma, ithwakanika okwa bitsibu byethu haima nebikathulhemesaya. Thukaghabana ebikathukakamiriraya haima nabandi. Thukawathikaya obulimughuma eriheka omubiri oyo Nyamuhanga abirithubirikira.

# Ebithongole Eby'engebe Bikahera

Ebithongole Eby'engebe sibitholere bikabya haghumerera habomughulhu munene. Mubye kukabirikira abandu bahyaka eringira omwabithongole eby'engebe. Omugholhu ekithongole kyaghu kikabya kinemusangasangana habo mughulhu, ekithongole kyaghu ekyalengesya erihera ekindi Kithongole Eky'engebe hakuhi. Wanginahera ebithongole binene ngokuwanganza.



**SAMALIRA** abo abangabya bimaniri babuya



**KANGIRIRAYABO** ngoko thukambembethaya kandi **HERA** ekithongole kihyaka hakuhi kutse omwa bulhambu bwaghu



**WATHIKAYA** ekithongole kihyaka haima nomwimaniri



**LHWIKA** omwimaniri haima nekithongole eribyaho ikyekyene



**THUMIRA** omwembembethya muhyaka okwisangasangana obulhi kwenzi omwa kikundi ekyabulikiro



**SUBIRIRA** omwamulingo ono omwa kithongole kihyaka kandi no mwakithongole kyaghu enyuma womughulhu

# Thulhiano erikuwathikya

Enamba yaghu yesiimu haima ne imailhu:

[www.dignityonline.org.uk](http://www.dignityonline.org.uk)

[hello@dignityonline.org.uk](mailto:hello@dignityonline.org.uk)

Dignity: +44 (0)7340 573 937

Akapapura eke Kithongole Eky'engebe. (Lhukonzo). © Dignity 2016. Dignity ni kithongole ekyeriwathikya ekisakangire omwa No. 1122656 Dignity (Worldwide) ni kithongole ekyirihho habwa emighabo eyikiriribwe, kandi kisakangirwe England haima ne Wales omwa No.6394480.